





Sunnfjord
kommune




SLT

**Samordning av lokale rus- og
kriminalforebyggende tiltak**



Innhold:

Innleiing:.....	3
Organiseringa av SLT:.....	3
Politiråd:.....	3
Styringsgruppe:.....	4
SLT arbeidsgruppe:	4
Utvida SLT arbeidsgruppe:	4
Nettverksgruppe:	5
SLT-koordinator:	5
Barne- og ungdomsmiljøet:.....	6
Trender og utvikling:	6
Samandrag av Barne- og ungdomskriminalitet i Vest politidistrikt:	8
SLT i dette bildet:.....	9
Målgruppe og hovudfokus:.....	9
Sentrale aktørar i SLT arbeidet:	11
Samarbeid mellom SLT og skulehelsetenesta:	12
Innsatsområde for SLT i Sunnfjord kommune:	12
Tiltak innanfor dei prioriterte innsatsområda:.....	13
Årshjul for SLT:.....	16
Oppdatering av årshjul og tiltaksplan:	18



Innleiing:

SLT er ein **S**amordningsmodell for **L**okale, førebyggjande **T**iltak mot rus og kriminalitet. SLT sikrar at dei ressursane som alt finst hjå kommunen og politiet, blir meir samkøyrte og målretta. Arbeidet er forankra politisk og administrativt gjennom politirådet.

Målet er at barn og unge i Sunnfjord kommune skal få rett hjelp til rett tid, av eit hjelpeapparat som samarbeider godt på tvers av etatar og faggrupper. Modellen skal sørge for å koordinere kunnskap og ressursar mellom politi og relevante kommunale einingar. Også næringsliv og frivillige organisasjonar høyrer med i dette nettverket.

Ungdomsråd og elevråd ved kommunen sine ungdomsskular og vidaregåande skular blir orientert om SLT arbeidet, og får høve til å komme med innspel.

Fortløpande evaluering av arbeidet blir gjort av dei ulike nivåa i SLT-modellen. SLT-arbeidet skal samordne og koordinere dei ulike tiltaka og bidra til kunnskapsutvikling, kunnskapsoverføring og informasjon.

Organiseringa av SLT:

Politiråd:

Politirådet er eit formalisert samarbeid mellom kommune og politi på eit overordna og strategisk nivå. Målet er å samordne innsatsen ovanfor lokale utfordringar, der politiet og kommunen har ansvar og tiltak som kryssar kvarandre. Dette gjeld både førebyggjande, avdekkande og iverksettande tiltak.


Rådet består av:

Frå politi: politistasjonssjef og politikontakt

Frå kommune: ordførar, kommunedirektør, ass. kommunedirektør, kommunalsjef for kultur og idrett, kommunalsjef for skule, kommunalsjef for barnhage, kommunalsjef for helse og sosial, kommunalsjef for omsorg, kommunalsjef for teknisk og miljø, personalsjef og SLT-koordinator.

Politirådet er det øvste rådgivande organet for SLT-arbeidet i Sunnfjord kommune.

Politiråd har møte 2 gonger for året – vår og haust



Styringsgruppe:

Styringsgruppa har ansvar for mål og prioriteringar innanfor rus- og kriminalitetsførebygging i kommunen og innlemme dette i planverket.

Styringsgruppa skal ha den overordna oversikt over problem og utfordringar, og skal sette inn ressursar for målretta innsats i tråd med rammene, samt sikre at innsatsen blir koordinert på tvers av etatane.

Styringsgruppa består av:

Kommunalsjef for kultur og idrett, kommunalsjef for skule, kommunalsjef for barnehagar, kommunalsjef for helse og sosial, kommunalsjef for teknisk og miljø, politikontaktar, og SLT-koordinator.

Styringsgruppa har møte kvar 2. månad.

SLT arbeidsgruppe:

- Arbeidsgruppa skal ha meir detaljer oversikt over kva som skjer i ungdomsmiljøet, både i forhold til enkeltungdom og grupper
- Arbeidsgruppa skal kunne handle raskt – melde oppover og nedover i systemet etter behov, og koordinere innsats på tvers av grunnskular, vidaregåande skular og fritid.
- Arbeidsgruppa har møte med aktuelle instansar innan næringsliv, utestadar, utleigarar, idrettslag og frivillige organisasjonar. Møta skjer ut frå kva utfordringar ein ser i ungdomsmiljøet, men gruppa har som mål å ha minimum eitt møte kvart år med dei mest sentrale aktørane. Dei ulike instansane er informert om at dei kan ta kontakt med representantar i SLT arbeidsgruppe dersom dei opplever utfordringar på sin arena.
- Arbeidsgruppa skal ha fast møte med teknisk etat min. 1 gong pr. år for å sikre trygge nærmiljø. Plan- og bygningslova pålegg kommunar å ta kriminalitetsførebyggande omsyn i sine planprosessar.


Arbeidsgruppa består av:

Politikontakt, ungdomskoordinator, utekontakt og SLT- koordinator

Arbeidsgruppa har møte kvar veke, samt tettare ved behov.

Utvida SLT arbeidsgruppe:

- Bidrar med kunnskap og innspel for å avdekke problem og utfordringar
- Gjennomføre tiltak



Utvida arbeidsgruppa består av:

Einingsleiar og ass. einingsleiar helsestasjon, einingsleiar barnevern, einingsleiar psykisk helse og rus, einingsleiar legesenter, ass. einingsleiar NAV, utviklingskoordinator fagutvikling – representant for skule, samordningskoordinator, politikontakt, ungdomskoordinator kultur og ungdom, utekontakt og SLT-koordinator

Utvida SLT arbeidsgruppe har møte kvar 8. veke.

Nettverksgruppe:

Nettverksgruppa står for det direkte rus- og kriminalitetsførebyggande arbeidet – dei som er i direkte kontakt med barn og unge.

- Gjennomføre tiltak
- Bidrar med kunnskap og innspel for å avdekke problem og utfordringar
- Formidle ut kunnskap om sentrale samarbeidspartar som mellom anna konfliktrådet, overgrepsmottaket, barnehuset, Smiso...

Nettverksgruppa består av:


Politikontakt, ungdomskoordinator konfliktrådet, representantar frå ungdomskule, vidaregåande skule, utekontakt, ungdomskoordinator, kultur, barnevern, helsestasjon, psykiatritenesta, NAV, oppfølgingstenesta, folkehelsekoordinator.

Deltakarar i nettverksgruppa skal vere leiar for eininga, eller ha formalisert delegering frå leiing og/eller ha myndigheit til å sette i gang tiltak.

Nettverksgruppa har møte 4 gonger pr. år.

SLT-koordinator:

- SLT-koordinator skal sikre at alle som driv med rus og kriminalitetsførebyggande arbeid møtes regelmessig, oppnår ein felles problemforståing og samordnar tiltaka.
- SLT-koordinator skal vere bindeledd, pådrivar og inspirator i SLT-nettverket.
- SLT-koordinator skal følgje opp konkrete mål som er fastsett av styringsgruppa, og handle på vegne av denne.
- SLT-koordinator skal ha fokus på at førebygging startar så tidleg som mogleg ut frå kommunen sitt fokus på «Tidleg inn» og «BTI (Betre tverrfagleg innsats)».
- Nøkkelord for SLT-koordinator:
 - Identifisere problemområde
 - Innhente og formidle kunnskap
 - Initiere tiltak – gje ansvar
 - Aktiv samordning



Barne- og ungdomsmiljøet:


Trender og utvikling:

Ungdata (2021) syner mange positive resultat for ungdom i Sunnfjord i forhold til fylke og resten av landet, men vi må vere merksam på at:

- 15 – 20% av ungdomane i kommunen føler negativ psykisk helse, stress og einsemd. Prosentandelen har auka jamt frå 2010 - 2021. Jenter er meir plaga enn gutar, og ungdom på vidaregåande er meir plaga enn ungdom på ungdomskulen. Tal ungdomar som gjev opp å ha følt seg ulykkeleg, trist eller deprimert siste veka syner ein klar auke i takt med opplevd dårleg familieøkonomi (Korus Bergen, 2021).
- 19% av ungdommane i ungdomskulen (10. trinn) har vore rusa på alkohol siste året, og talet stig jamn til vidaregåande skule der 83% av ungdom i 3. vidaregåande har drukke så mykje at dei har følt seg tydeleg rusa. Dette er ein auke på ca. 5% frå Ungdata i 2017.
- 18 % av ungdommane i 3. klasse ved vidaregåande skule gjev opp å ha brukt cannabis siste året. I 2017 var talet 6%.
- 26% av ungdommane i Sunnfjord kommune har fått tilbod om hasj eller marihuana siste året.
Cannabisbruken har auka jamn i heile landet, og blir gjerne sett i samanheng med legaliseringsdebatten som har pågått dei siste åra.
Haldningane til cannabis hjå ungdomen har også endra seg. 45% av gutane og 26% av jentene i Sunnfjord kommune meiner at hasj og marihuana bør bli lovlege rusmidlar i Norge.
- 5% av ungdommane i både ungdomsskule og vidaregåande skule har vore skada pga. vald siste året (2017).
- Rundt 50% av ungdommane brukar meir enn 2 timar skjermtid dagleg.
- 35% av ungdomskuleelevane og 51% av elevane ved vidaregåande deltar ikkje i nokon organisert fritidsaktivitet (2017, 2021).

UngData (NOVA) har i sin rapport, Ungdata 2018, særskilt sett på samanhengen mellom cannabisbruk og ei rekke andre livsstilsfaktorar. Bakgrunnen for dette er den aukande bruken ein har sett i ulike ungdomsmiljø i den seinare tid.

Bildet er at denne gruppa skil seg negativt ut i varierende grad for dei fleste område som er analyserte. Dei er mindre nøgde med eiga helse, har klart meir fysiske og



psykiske helseplager, eit meir usunt kosthald, røyker meir, har vore meir alkoholpåverka, har meir skjermbruk, trivst dårlegare på skulen, trenar mindre, skulkar meir og er mindre fornøgde med foreldre og lokalmiljøet.

På bakgrunn av funn i Ungdata 2021 oppsummerte Korus Bergen risiko- og beskyttande faktorar slik:


Risikofaktorar
Tydeleg rusa på alkohol (alder, frekvens)
Bruk av cannabis
Opplevd mobbing
Psykiske helseplager
Grue seg til å gå på skulen
Opplevd vald
Opplevd dårleg familieøkonomi

Beskyttande faktorar
Organiserte fritidsaktivitetar
Fornøgd med livet
Fornøgd med foreldra
Minst ein fortruleg venn
Trivsel på skulen
Fritidsaktivitetar i eigen regi
Opplevd god familieøkonomi

Barneverntenesta i Sunnfjord fekk totalt 163 bekymringsmeldingar i 2020, som utgjer 3.3%. Dette er noko færre enn snittet for resten av landet (5% i 2020). Det er flest meldingar gjeld uroa for foreldre sin rusbruk, foreldre si psykiske helse, vald i heimen/mellom nære relasjonar og høgt konfliktnivå i heimen. Politi, helsestasjonen og foreldre er dei aktørane som melder bekymring til barnevernet oftast (Tilstandsrapport – Sunnfjord barnevern 2021).

I 2016 vart 108 barn og i 2017 vart 89 barn frå Sogn og Fjordane sendt til avhøyr og undersøking ved Barnehuset i Bergen (Tal frå valdskoordinator i politiet).

Folkehelseprofilen 2023 syner at Sunnfjord kommune ligg signifikant betre an enn landet som heilheit på dei fleste område. Færre barn enn landsgjennomsnittet lever i familiar med låg inntekt, men i snitt utgjer dette likevel 7.7% av barna i alderen 0-17 år. 16% av elevane i Sunnfjord fell ut av vidaregåande skule, mot 21% i snitt for



Norge, og 6% av unge mellom 15-29 år står utanfor skule, utdanning eller jobb, mot 9,5% i snitt for landet. ([Fokehelseprofil Sunnfjord kommune 2023](#)).

Skulehelsetenesta opplever ein stor auke i tal ungdom som tar kontakt i den opne kontortida på skulane. Psykiske utfordringar, einsemd, utanforskap, kroppspress og stressrelaterte lidningar er bakgrunnen for dei fleste kontaktane. Tenesta har også blitt kontakta av ungdom som har opplevd at bilde av dei blir delt på nettet. Fleire ungdomar har opplevd seksuelle overgrep. Det er ein høg terskel for ungdom å melde dette til politiet.

Samandrag av Barne- og ungdomskriminalitet i Vest politidistrikt:

Kriminalitetsstatistikken for Vest politidistrikt viser at ungdomskriminaliteten, etter fleire års nedgang, har økt dei siste åra. Det same gjeld for andre politidistrikt. Tal straffbare forhold gjort av personar under 18 år var likevel langt lågare i 2017 enn i 2007. Foreløpige tal frå 2018 tyder så langt på ein reduksjon, samanlikna med 2016-2017. Det er derfor mogleg at auken i 2017 ikkje var ein varig endring i den registrerte kriminaliteten blant barn og unge, men det er for tidleg å si.


Årsakene til at nokon ungdommar blir kriminelle er samansette. Fleire av førebyggarane i politidistriktet har identifisert nokon bakanforliggande årsaker som går igjen blant ungdommane: personlege problem, negative opplevingar frå dei var yngre, forholdet til foreldre – spesielt fråvær av ein fars figur. Fleire er også prega av manglande grensesetting. Utenforskap er eit fellestrekk for ungdommane som er mest kriminelt aktive.

Politidistriktet sine førebyggarar trekker spesielt fram internettrelatert kriminalitet og ungdommar sine haldningar til og bruk av narkotika som sine to største uroer.

Sosiale media spelar ei sentral rolle i unge menneske sitt liv. Mange bruker mykje tid på internett og sosiale media, og nettet erstattar noko av den tida ungdom tidlegare brukte saman fysisk. Brukarane av sosiale media blir yngre og yngre. Politiet erfarer at dei yngste har mindre forutsetning for å sjå konsekvensar av ting de skriv og sender til andre, verken kva det gjer med andre eller kva ein sjølv kan risikere.

Fleire førebyggarar observerer meir mobbing og mange rapporterer om utbredt bildedeling. Konflikhtar mellom enkeltpersonar blir lett forsterka når kommunikasjonen mellom dei skjer elektronisk i sosiale media.

Førebyggarar ved både større og mindre tenestestadar opplever ei tydeleg endring i ungdom sine haldningar til bruk av narkotika. I hele Vest politidistrikt blir det rapportert om ein langt større sosial aksept for bruk enn tidlegare, spesielt hasj, men



til dels også sentralstimulerande stoff som særleg MDMA/ecstasy og kokain/amfetamin til festbruk i enkelte ungdomsmiljø.

Politiet har fleire stader i landet beskrive arrangerte slåsskampar som eit fenomen. I Vest politidistrikt blir dette ikkje framheva som ei uro i 2018-2019, slik det gjerne har vore tidlegare år, men vi følger utviklinga nøye og vurderer fortløpande behov for tiltak.

Nokon førebyggjarar opplever ein usikkerheit blant ungdom om kva som faktisk blir omfatta av straffelova i forhold til seksuallovbrot. Dei alle fleste ungdommar har ei formeining om kva som er rett og galt, men ikkje nødvendigvis om kva som er straffbart. Ungdomskulturen blir påverka av blant anna ein seksualisert populærkultur, tilgang til store mengder materiale på internett, fleirtalsmisforståingar og delingskulturen på sosiale media. Dette kan gjere grensesetting utfordrande, og gråsoneproblematikken pregar seksuallovbrota blant ungdom. Politiet ser også at det finst grupperingar/miljø som er meir seksuelt utprøvande enn andre.

Politiet erfarer at ein del ungdommar er yngre når dei startar på sin kriminelle løpebane samanlikna med tidlegare. Dei mest aktive ungdommane er involvert i fleire typar kriminalitet, her under narkotika, vald, truslar og ordensforstyrringar. Spesielt i Bergensområdet ser politiet at dei mest kriminelt aktive ungdommane finn kvarandre, til tross for geografiske avstandar. Førebyggjarane peiker på sosiale media som ein forklaring. Det er ikkje uvanleg at ungdom har eit nettverk langt utanfor sitt eige geografiske nærrområde. Tidvis får politiet kunnskap om at ungdomsmiljø/grupperingar/problemområde som kan knytast til kriminalitet på tvers av bydelar/kommunar er i framvekst. Førebyggjande innsats blir derfor retta mot disse, og tiltaka varierer ut frå kva utfordringar som blir identifisert. (Vest politidistrikt 18.12.18) (Tala vil bli oppdatert haust 2023)


SLT i dette bildet:

Målgruppe og hovudfokus:

Hovudmålgruppa for SLT er barn og unge i alderen 12-20 år. Hovudfokus er å førebygge rus og/eller kriminalitet i staden for å reparere.

Det førebyggjande arbeidet innan rus og kriminalitet spenner over mange sektorar i kommune, fylke, stat, frivillige og private organisasjonar. Mange tiltak blir gjennomført innanfor ulike einingar sitt ordinære arbeid.

Gjennom SLT-nettverket ønsker ein å oppnå effektive tiltak for barn og unge, der alle partar har ein felles forståing av problema, og korleis dei best kan bli løyst. Gode, systematiske og tverrfaglege tiltak bidrar til at nasjonale og kommunale målsettingar og strategiar innan fagfeltet blir nådd.



Å gje barn og unge trygge og gode oppvekstvilkår er eit av samfunnet sine viktigaste oppgåver.

Kommuneplanen sin samfunnsdel seier noko om kva verdiar vi jobbar etter i Sunnfjord kommune, og er ei viktig rettesnor i det førebyggjande arbeidet vi gjer. Fokuset på barn og unge er forankra i kommuneplanen sin samfunnsdel 2022-2030 der trygge og gode oppvekstvilkår er eit av satsingsområda. Dette er eit grunnlag som forpliktar kommunen i forhold til korleis dei innrettar tenestene sine.

Sunnfjord kommune har fleire temaplanar for barn og unge. Desse planane skal bygge vidare på mål og strategiar i kommunedelplanen. Spesielt sentrale fagplanar for SLT vil vere «Førebyggjande plan for barn og unge» og « Strategi mot barnefattigdom» ([Temaplanar for barn og unge](#)).

«Handlingsplan mot vald i nære relasjonar for Førde kommune 2018 - 2020» har også eit spesielt fokus på barn og unge. Det er ein prosess i gang for å revidere og vidareføre planen for heile Sunnfjord kommune (vår 2024).

Sjølv om hovudfokuset for SLT er aldersgruppa 12-20 år, er SLT bevisst på at førebygging må starte heilt frå svangerskap, og ha kontinuerleg fokus gjennom heile oppveksten for barn og unge. SLT har derfor trekt sentrale aktørar for tidleg intervensjon inn i SLT nettverksgruppe og styringsgruppe.

Ungdom i Sunnfjord syner betre trivsel, rusar seg mindre og har lågare kriminalitet enn gjennomsnittet for landet, men vi må stadig vere merksame på gruppa som opplever negative faktorar i livet sitt. Disse faktorane må bli sett i samanheng og bør utgjere ein vesentleg del av SLT sine satsingsområde i åra framover.

Eit trygt og godt oppvekstmiljø for barn og unge er eit miljø som er positivt, inkluderande og utviklande. Det haldningsskapande arbeidet som blir gjort i barnehagar og skular er viktige bidrag i denne samanhengen. Eit godt barnehage- og skulemiljø er med på å prege barn og unge sine haldningar både i barnehage- og skulekvardagen og på fritida.

At elevar fell ut av skulen er ein av dei største risikofaktorane i forhold til rus og kriminalitet. Å samarbeid tett med skulane og andre hjelpeinstansar for å hindre fråfall, vil vere eitt av dei viktigaste innsatsområda for SLT-arbeidet.

Mellom 35 – 55% av ungdomane er ikkje med på nokon organisert aktivitet i fritida. Vi veit ikkje alltid kva som er bakgrunnen for dette. Det kan vere eige ønske, interesser, avstandar, økonomi m.m. Mange ungdommar bruker mykje av fritida si på å vere sosial på nett.

Fokus for SLT vil her fyrst og fremst vere dei ungdommane som opplever å vere



einsame og/eller har psykiske utfordringar.

SLT har siste åra hatt fokus på digital mobbing og bruk av sosiale media. Ungdata syner at dei fleste ungdomar bruker mange timar kvar dag på å vere sosial på nettet. Ut frå meldingar frå både politi og einingar i kommunen om negative hendingar på nettet, må dette også framover vere eit sentralt område for SLT. Politikontakt og utekontakt har gjennomført undervisningsopplegget «Delbart» til elevar og foreldre i 8. klassesetrinn. Frå haust 2023 blir opplegget flytta til 7. klassesetrinn, etter evaluering og tilbakemeldingar om behov for å komme tidlegare inn.

Rapportar frå politiet syner ein tendens til ei endring av bruk og haldning til rusmidlar. Politiet har mellom anna avdekkja fleire tilfelle av ruskøyring blant unge, der det er brukt av andre rusmiddel enn alkohol. SLT prøver å halde seg oppdater gjennom politi, utekontakt og kontakt med utestadane om kva enkeltungdomar og grupper som oppheld seg i sentrum. SLT må her kunne handle raskt om endringar i miljøet tilseier dette.

SLT har laga oversikt og etablert kontakt med dei som har lokale til utleige. Ein har her fått på plass felles rutinar for vakthald når ungdom leiger lokale. Utleigar skal også gje beskjed til politiet når ungdom leiger lokale. Politiet som har vakt kan då ha høve til å legge runda si innom utleigestaden.

SLT må framover ha eit ekstra fokus på auka bruk av cannabis. Nova peikar på at denne gruppa skil seg negativt ut på alle områder. Innsatsen må rette seg både mot heile fokusgruppa for SLT, men det vil vere ekstra viktig at denne trenden ikkje spreier seg nedover til ungdomsskulealder.

Det førebyggjande arbeidet innan rus og kriminalitet må også bli sett i lys av:

- Levekår, sosial arv og oppvekst
- Integrering
- Motivasjon
- Overgangsfasar

Sentrale aktørar i SLT arbeidet:

Politikontakt:

Som eit ledd i politireforma er det tilsett eigen politikontakt i Sunnfjord kommune. Politikontakten er også fagleiar førebyggjande i Sunnfjord lensmannsdistrikt.

Ungdomskoordinator:

Er tilsett i eininga Kultur og idrett, og er dagleg leiar for ungdomsklubbane i kommune og Dans utan grenser. Kommunekontakt for ungdomsrådet og arrangør av UKM.

Utekontakt:

Er tilsett i eininga Psykisk helse og rus med fokus på forebyggande arbeid barn og unge 13- 23 år.

Jobbar med enkeltungdom og med grupper av ungdom.

Jobbar dag og kveldstid etter oppsett turnus, og har fokus på fritid, skule og heim.

Samarbeid mellom SLT og skulehelsetenesta:

SLT samarbeider og samordnar undervisning til skulane med skulehelsetenesta: Gjennom skulehelsetenesta har alle grunnskular og vidaregåande skular i Sunnfjord fast helsesjukepleiar tilknytt skulane. Dei store skulane har fast open konsultasjonstid.

Skulehelsetenesta gjev tilbod etter nasjonale retningslinjer, samt informasjon til klassane og føresette etter oppsett plan.

- Helse og eigenomsorg til 3. steget, 1 time per klasse før måling av vekt og høgde
- Seksuelle overgrep; «Kroppen min eier jeg» til 3. steget, 2 timar per klasse
- Pubertetsundervisning til 5.steget, 2 timar per klasse
- Psykisk helse til 5. og 8. steget, 4 timar per klasse
- Seksuell helse til 9.steget, 2 timar per klasse
- Omvising på Helsestasjon for ungdom i 10.klasse

Innsatsområde for SLT i Sunnfjord kommune:

1. Kunnskap, informasjon, metode- og kompetanseoverføring
2. Sikre trygge og inkluderande skular – motivere til nærvær og motverke fråvær.
3. Arbeide tverrfagleg og systematisk med tiltak for sårbare barn og ungdommar.
4. Generell førebygging med spesiell fokus mot enkelte målgrupper og arenaer
5. Bruk av sosiale media og førebygging av digital mobbing.
6. Førebygging av seksuelle overgrep og vald i nære relasjonar
7. Tett og målretta oppfølging av unge lovbrytarar, gjengangarar og rusproblematikk
8. Førebygging, beredskap og oppfølging av radikalisering, valdeleg ekstremisme og hat kriminalitet

Tiltak innanfor dei prioriterte innsatsområda:

Punkta under er ikkje utfyllande, og omtaler ikkje alle rus- og kriminalitetsførebyggjande tiltak som er innarbeidd i dei ulike einingane sitt ordinære arbeid. Det er viktig å framheve at innarbeidde tiltak som ligg fast i einingane er noko av grunnstammen, som gjer at vi kan lukkast med førebyggjande arbeid. Meir fullstendig oversikt kjem fram i dei ulike einingane sine planar.

Innsatsområde 1: Kunnskap, informasjon, metode- og kompetanseoverføring.

Tiltak:
Delta med undervisning og informasjon til elevar og føresette etter oppsett SLT årshjul.
Aktuelle tema på SLT nettverksmøter (innlegg frå sentrale samarbeidspartar, referat frå konferansar...)
Oversikt og initiativ for at sentrale aktørar får delta på aktuelle konferansar (PKF, mentorutdanning...)

Innsatsområde 2: Sikre trygge og inkluderande skuler – motivere til nærvær og motverke fråvær

Tiltak:
Samarbeid med skulane direkte og gjennom SLT nettverksgruppe
Oppsøkande arbeid i skulane 13-19 år <ul style="list-style-type: none">- Å vere i dialog med ulike ungdommar i kommunen- Etablere tillitsforhold til utsette grupper- Kartlegge/bygge opp kunnskap om risikogrupper (eige oppsett)
Delta i prosjektgruppe til «Skulefråværsprosjektet til Sunnfjord kommune».
I samarbeid med skulane og andre hjelpeinstansar koble utekontakt på der ungdom fell ut av skulen.
Delta med informasjon til elevar og føresette etter oppsett plan i årshjulet for SLT.

Innsatsområde 3: Arbeide tverrfagleg og systematisk med tiltak for sårbare barn og ungdommar.

Tiltak:
Bruke Sunnfjord kommune sin BTI-modellen som «rammeverk» for arbeidet.
Samordne, systematisere og koordinere arbeidet gjennom nivåa i SLT modellen

Innsatsområde 4: Generell førebygging med spesiell fokus mot enkelte målgrupper og arenaer.

Tiltak:
Tilbod på Løa ungdomsklubb i Førde - til ungdom- og vidaregåande skule Ungdomsklubb i Naustdal
«Velkommen til skulestad Førde – Sunnfjord kommune». Informasjon til ungdom som flytter på hybel.
Planlegge russefeiringa i tett dialog med russen etter oppsett i årshjul
«Grill and chill». Gratis aktivitetar i feriar
«Ung jobb» for 15 – 17 år

Innsatsområde 5: Bruk av sosiale media og førebygging av digital mobbing.

Tiltak:
Gje informasjon til elevar og føresette etter oppsett årshjul – «Delbart» til 7. klassetrinn,

Innsatsområde 6: Førebygging av seksuelle overgrep og vald i nære relasjonar.

Tiltak:
Gje informasjon til elevar og føresette etter oppsett årshjul.
Følge tiltak i «Handlingsplan mot vald i nære relasjonar for Sunnfjord kommune». - Prosess for å redigere og oppdatere planen for Sunnfjord kommune



Innsatsområde 7: Tett og målretta oppfølging av unge lovbrytarar, gjengangarar og rusproblematikk.

Tiltak:
Oppsøkande arbeid
Bekymringsamtale
Ungdomstraff, ungdomsoppfølging, mekling.
Sikre kontakt med ungdomskoordinator i konfliktrådet

Innsatsområde 8: Førebygging, beredskap og oppfølging av radikaliserings, valdeleg ekstremisme og hat kriminalitet.

Tiltak:
Holde kontakt med mentorar og einingar som jobbar tett opp mot risikogrupper
Mentorar få delta på relevante kurs og konferansar for å halde seg oppdatert på området.
Kontakt med sentrale aktørar innan miljøet/moskeen.

Årshjul for SLT:

- SLT styringsgruppe har fast møte 2. kvar måned.
- SLT arbeidsgruppe har faste møte kvar veke, samt oftare ved behov.
- Utvida SLT arbeidsgruppekvar 8. veke
- Oppsøkande arbeid i skulane etter oppsett plan
- Kontakt med nærmiljøråda i dei ulike distrikta etter behov

August:


- Ung jobb v. 31-32
- Velkommen til skulestad Førde og Sunnfjord kommune – informasjon til hybelbuarar
- Grill and chill aktivitetar
- SLT informasjon til studentar ved HVL i forkant av fadderveka (faddere, ansvarlege ved studieretningane?)
- Møte/kontakt sentrale aktørar nærings- og uteliv
- Kontakt RK ang. nattevandring

September:

- Ungdomskoordinator og utekontakt informerer om SLT sitt arbeid på foreldremøte i 8. klasse ved FUSK, HUSK, og ev. video informasjon på dei andre skulane
- Informasjonsvideo om SLT på foreldremøte ved Førde vgs.
- Møte SLT i nettverksgruppe
- Start oppsøkande arbeid i skulane (eige oppsett gjennom heile skuleåret)
- Start oppsøkande arbeid på arena der ungdom oppheld seg ved politi og utekontakt (onsdagar gjennom heile året)
- Evaluering Ung jobb
- Oppstart «Midt i tryne» til ungdomskulane i Sunnfjord kommune (eige oppsett).

Oktober:

- «Delbart» - nettvett til elevar og foreldre i 7. klasse ved politiet og utekontakt.
- Oppdatering/fokus på radikaliserings, valdeleg ekstremisme og hat kriminalitet
- Grill and chill - haustferien
- Markering «Verdensdagen psykisk helse» - stand på skywalken, og gratis kino kveld
- Møte mellom russestyre kommune og politi i høve planlegging russetid



November:

- Politiråd
- Møte SLT nettverksgruppe
- Starte planlegging «Ung jobb» - eiga arbeidsgruppe og årshjul

Januar:

- Russeforeldremøte med val av foreldrerepresentantar/foreldregruppe

Februar:

- Møte i SLT nettverksgruppe
- Søknadsfrist midlar konfliktrådet (radikalisering og valdeleg ekstremisme)
- Møte med KFAU
- Grill and chill – vinterferien
- Møte/orientering om SLT til ungdomsrådet

Mars:

- Planlegging russefeiring
- Kontakt RK – nattevandring/russetid

April:


- Møte i SLT nettverksgruppe
- Førebyggande dag med russen onsdag 19.04.2024. « Midt i tryne» - eit opplysnings- og rusførebyggande føredrag.
- Møte med teknisk etat ang. trygge nærmiljø – vurdere m.a. behov trygglivsvandring
- SMS/e-post føresette ungdomskular - 10. klasse i høve russetida

Mai:

- Politiråd
- Oppfølging russetid
- Planlegging Pride

Juni:

- Ung jobb (15-17 år) – 2 fyrste vekene etter skuleslutt (Aug.)
- Gjennomgang og evaluering av årshjul og tiltaksplan



Oppdatering av årshjul og tiltaksplan:

Årshjul og tiltaksplan skal bygge på overordna vedtak gjort i politiråd. Årshjul og tiltaksplan skal ha ein gjennomgang og evaluering i SLT-arbeidsgruppe kvar haust, og leggast fram for SLT styringsgruppe.